



# TASKANAADÉ NJAAWDIRKA

Do'o ko laabi 5 no taskanto-daa e maa yidiraabe maada fii masiibo.

## Rijistu ngam Bagginooje Njaawdirka

Wagginoore Laamorde Hamilton, walla "Alert HC," ko yubbo anndinoore ngam wagginnde yimbe to Laamorde Hamilton dow njaawdirka e bayaanuujii goddi tilimdi.

Subu gila ko saalii bagginooje ceertude 40 dow masiibo fotungu wannga e njaawka fotuka wallunde ndeenaagu maada. Anndinooje de'e jokkay anndinnde ma e wallude ma hoosude jabrude ngam ndeenaagu maa e yidiraabe maada kala sarde nde ko hammaaka wanggi.

## Raartu Saawdu Insoora Maada

Wonude maada jomwuro walla guydo, hebude insoora laabdum ko go'o nder jabrude kaandude ngam hisnutude gila masiibo. Haaldu e maskaniido insoora dow no hisnata kuuje maada no haandi gila masiibo kippoowo Laamorde Hamilton. Yahan saawdu masiibo tawtaangu bana insoora paccam.

## Reentu Duttorde Tilimde

Resude duttorde maada tilimde to ndeenaagu e hoytina cadeele martude ko rellaa. Resu wannjitaade duttorde de ngid-daa reentaade nder koytinaade, cawgal ngal ndiyam naatataa walla resude daartaadi nder reyrude USB hoolaade nde a waawata woosidaade. Duttorde tilimde kaandude faddaade kawtii e:

- Duttorde ciftinorgal (tonngi ciftinorgal, dereeji jahaale, ekn.)
- Duttorde ngalu e sariya (insoora, gure, ba"anteeji, saggordi, e tonngi ngaynude gollal)
- Bayaanuujii njamu (insoora njamu, duttorde njamu, bayaanu naftoraade safaaje jooni, ekn.)
- Kala kuuje neddo marde saman (nate besngu, dokkal maamawal, walla godde kuuje den kebitataake)

## Wadu Ebboore Njaawdirka

Besngu maada foti wonnda sarde masiibo ngon, so ko huunde tilimnde anndon no maatoondirtan e no njokkootirtan so on cennaama. Tiggee nokkuure moobtude e besngu anndaande nde sadataa hebtude. Tabitin kala besngu fuu e anndani yownirde njaawka e tonngooode yownirkoy tilimde. So a maray haaje gila besngu, sehilaabe, keddu'en, walla wobbe hakkilanoobe, naatinbe nder jabrude taskaade maada.


## Nyibu Kabitirgal Njaawka

Caggal njaawdirka kan, foti a hakkilana besngu maada naa e hebde laatiriye walla ndiyam pompi. Taskida ta moobude kuuje de a foti yidude nder cawgal ngal sadata hooseeki walla booroje, nden a nyoota kabitirgal maada fahde godde haaje de yimbe wuro maada (ba, cukahon, dabbaaji joododal, naye'en, e boosdo.

- Ndiyam (galonre kala neddo 1, kala nyalaande, haa e dabbaaji joododal)
- Nyaamnduujii di nyolataa e keesuuji omteteedi.
- Jaaynordi, baaturuuje, e saajordi ywonirkoy ngoosideteedi
- Nyawndirdi dooldiniidi, kuuje aynol njamu, e kabitirgal mballa njaawka
- Kolte, cuddaale, kuuje weltinaare, e ceede juude-e-juude



Yirlu **AlertHC.org** ngam a rijistee nder heboobe bagginooje de'e darnde woore yahde yownirgel walla imel maada.



# FII JEERTINAANGO NAFTORAAD E YUBBOORE IIDA-IIDOORE YAASIIRE TO LAAMORDE HAMILTON



Jeertinaango Naftoraade e Yubboore lida-iidoore Yaasiire to Laamorde Hamilton hawtii e ko famdaayi iida-iidooje 190 tawteede to jaajel laamorde ngel. No de naftoree ngam anndinde yimbe gonbe yaasi dow woodi hadaru gonndaadum, sabu non be njaawa duwaade nder nyibaale don-e-don e tefude bayaanuuji goddi.

Laamorde Hamilton EMHSA tabitinantaa dow iida-iidooje nden kuway no haandi sarde masiibo walla hebay naneede nder gure walla nokkuuje duuda-saa'ooje. Sabu dum, iida-iidooje den ngonataa nokku tan to nanirta anndinoore fii masiibo. Go'otoo fuu dooldiniidum heba laabi duuddi no nanirta anndinoore dow fiiji njaawka. Naatu ngam hebde Wagginoore Laamorde Hamilton ([www.AlertHC.org](http://www.AlertHC.org)) ngam hebde lile tilimde dow masiibo ko meemata ndeenaagu maada. Goddi laabi din no bayaanuuji njaawdi kebortoo kawtii e raadiyo weeyo NOAA e heditaade jaayde gonndaade.

## Ndeye iida-iidooje den haandinaa?

- Sarwiisi Weeyo Ngenndiwal wannginii Jeertinaango Naargewol
- Gollanoobe ndeenaagu jamaa e anndina ka naargewol ngol
- Ngonka hadaru sanne e wannga to dum tefata yimbe tefata to duwotoo don-e-don.

## Koye mi wadata so mi nanii iida-iidooje den nder ngonka njaawka?

Yaawu tefa duworde nder nyibaale don-e-don. So ka wadoto, yahu nokku burdungo leesude to nyibaalo ngon nden a duwoo nder suudu burdundu luuraade nder myibaalo ngon, e wodfitaade kala kenorle. Yaawu tefa bayaanu: raru yownirgel maada ngam anndinooje, mabbutu raadiyo weeyo, nden a mabbita jaaynde wonndaade.

## Noye sonnyo iida-iidooje den neebirta sarde njaawdirka.

Sarde Jeertinaango Naargewol, iida-iidooje den e saa'ora mintaaaji tati tokkootirdi nder siwtanaade mintaaaji sappo (mintaaaji sappo e iida, mintaaaji sappo e nyifii) naa nde hadaru ngun dillidi. Walaa iida-iidooje "laabde taar".

## Yaasiije den foondetee?

Iida-iidooje den e foondetee kala Naasaade arandeere kala lewru ba 12:00 Nyalowma so naa woodi weeyo jiibingo. Wakkati poondol, iida-iidaaje den sonnyanay mintaaare woore.

So woodi weeyo jiibingo to Laamorde Hamilton (naargewol nyaadngol walla peewol njoorngol), poondol ngol e egginee ngam faddaade kuwtinirde iida-iidooje den walla ngam hisnude jiiibude hakkiile yimbe. Egginol poondol ngol e wadee Naasaade didabre lewru ndun ba 12:00 nyalowma nden e heewta sekonnji sappo.

## Walaa haaje a duwoo sarde poondol Yubboore lida-iidoore Yaasiire.

## Ko woni naargewol?

Naargeeji ko keni dimmbotoodi e nduudi haa heewta milji 200 kala awa gootum to dum yottotoo gila tobo haa leydi. Di ngonndi hadaru sanne kadi foti di mbonna nyibaalo, mbaylita mootaaaji, nden gurmuume mawde e piirnee nder keni.

Non e hebee sanne nder lebbi ndunngu ammaa foti heboo wakkati jiiibaago weeyo e kala wakkati nder hitaande.

Sarwiisi Weeyo Ngenndiwal e lida wagginooje noone didi dow Naargewol:

## Wakkati Naargewol

Naargewol foti wadee. Ngonka weeyo foti wanngina weeyo. Taska nden taskanoo hoosude jabrude.

## Jeertinaango Naargewol

Naargewol ena wadee. Yaawu duwaade nder nyibaale don-e-don.

Yirlu [AlertHC.org](http://AlertHC.org) ngam a rijistee nder heboobe bagginooje de'e darnde woore yahde yownirgel walla imel maada.